

1607 torum purpuratorum comitatu cum in divi Moyſis fano ſacris de more interfuiſſet, inde in forum, inſignibus bellica virtute viris, qui tunc in urbe erant, prægredientibus, pedibus centum ac quinquaginta galeatis cum fiſtulis ferreis, Epirotis ſcloppettariis ſexcentis, tormentorum libratoribus quadringentis, quibus omnibus Julius Peregrinus, Bononiensis, Reipublicæ militum tribunus, imperabat, recta ad auream baſilicam continenti ſclopporum conſalutatione deductus eſt. Ibi denuo ſolemni ritu magnificentiffime re divina facta, eadem pompa ac ſtrepitu per giganteam ſcalam in Patrum aulam, in qua Princeps in ſolio conſtitutus, utrimque Conſiliarii ac Præconſultores adſidebant, aſcendit; ſtanſque paucis inquit: *Cum Senatui viſum eſſet, difficillimo tempore maritimum ſibi imperium (quæ ſuprema in Republica dignitas habetur) concedere, ei, quas vix animus capere poſſet, agere gratias: cunctos indiſtriæ atque ingeniî nervos in graviffimo munere recte adminiſtrando, ut conceptæ de ſe opinioni reſpondeat, adhibiturum; opes, ſanguinem, vitam ipſam, uti alias fecerat, pro patria libenti atque alacri animo diſcrimini objecturum: neque ſecus præfectos alioſque præſtantes cives, qui maritima virtute excellabant (ad quos tunc verſus orationem flexit) facturos; quippe qui læti vitam pro Republica devoviſſent. Ad hæc Donatus, Bembi oratione commotus, ut vix cohibere lachrymas poſſet, In te vero, inquit, Joannes Bembe, divi Marci Procurator, ingentem ſpem Reſpublica poſuit; quem ſemper turbulentis temporibus graviffimis rebus præfecit; omniaque in te vel munera vel decora, quæ in civem conferre Reſpublica poteſt, cumulate congeſſit; ex tuis egregiis geſtis ingentes fructus, vel ad incolumitatem vel ad gloriam reportavit. His ductus Senatus, hac tempeſtate claffis imperium ſumma conſenſione tibi detulit, certo vaticinans fore, nil abs te niſi egregium proſectum iri. Nos interim de præclara iſta in patriam voluntate, animique alacritate tibi, vobisque, cives optimi, qui majorum noſtrorum celſos ac eximios ſpiritus æmulati, pulchrum pro patria, libertate, ac dignitate mortem oppetere arbitramini, gratias agimus, feliciaque omnia com-*

Joannis
Bembi ad
Donatum
Princ. ver-
ba.

Leonardi
Donati
Princ. ad
Bembum re-
ponſum.

pre-